

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die
Lunæ prima mensis Martii.

M. TUSSANO FONTAINE, Doctore
Medico, & Professore Regio, Præsidente.

An in purgatione Natura Artis dux & magistra?

I.

NATURA & Ars in morbis multa moliantur, ut humorem noxium procul amandent. Illa spirituum & caloris perfusione humorem coquit vel temperat, coctum vel temperatum in vias convenientes pellit à privatis in publicas; dein certis in locis cumulat, ut cumulatam tempore foras possit abigere. Hæc omnia meditati Naturæ Medicus interest, & si quid gravius incidat, oblata Artis ope, allaborantem sublevar: humorem, si contumax, Naturæ obluetur succis melioribus additis facilius tractandum præbet, sin maligno putredinis æstu unâ cum sanguine percitus, quâ incubuerit calamitatem intenter, sectâ venâ effranem coercet, repressis fervoris & motus causis, & ne quâ minatur nocentiùs erumpat, aliò impetum abducit, & diverso dato ostio, venum effundi sinit naturæ commodo. Mox verò cum tempus advenit humoris per opportunos ductus ablegandi, si sollicitante ad exitum Natura moras neclat, cunctanti ars sedula imminet, & immisso Cathartico, quâ sit ei viâ discedendum denuntiat. Hæc tria in morborum curatione peraguntur pari Naturæ & Artis consilio, sed dissimili industria; primum enim quoniam alimentorum usu continetur, unius Naturæ refert; alterum Epaphæresi absolvitur, & totum Artis est; tertium purgatione perficitur, quam salutarem & tutam præstare, bene medendi apex est: hanc operam, hanc laudem Natura cum Arte dividit, sed non æquo ambarum laudis, vel operæ diuidendæ jure, nec successus merito, omnino enim pendet à naturâ secundus purgationis eventus, quæ nisi victa jaceat fractis morbo viribus, vel hoc solo Medicinæ altero

quosvis morbos conficere possit Epaphæresi prævia vel comite, nec non convenienti victus ratione; Ars verò docilis, si sapiat, nihil admodum adversus morbos salutare prolatura sit, nisi bene præcipientis naturæ monitus audiat, & præbenda purgatione sequatur quas Natura ei commonstrat errare non patientes vias.

I I.

SALUTAREM præstare purgationem funditus exhausto humore, & sublato reducturæ ægritudinis metu Naturæ propria laus est, Artis verò tutam conficere, omnis à Cathartico periculi instantis vel consequentis vitiatione; ab utraque parte felicius futura est purgatio, quam Natura Arti necessariam & tempestivam indicaverit. Tunc autem necessaria est purgatio, cum humor pravus alicubi in corpore redundans, neque emendari se tulit, neque hinc eliminari potuit; attamen sola infensi humoris copia, vel mora, captanda non est purgandi opportunitas; hanc multo plura indicare Artem Natura docet, & omnes Medico, ut purgare auserit, observandos esse Naturæ nutus ex singulari humoris motu & conditione, variâ ægotantis corporis affectione, virium robore & imbecillitate. Inter diversos purgandi humoris motus, quos Natura Arti proponit, duo eminent, Orgasmus & Pepasmus. Orgasmus à multis jactatur Tanquam datum Arti à Natura signum potionis Medicæ illico impingendæ, humore (quod aiunt) purgationem clamante. Equidem quam in morbis insolens, & cognitu dubius est Orgasmus, tam verendus est æncipitis purgationis index, sicubi verus compareat haud temerè, epaphæresi prætermisâ, purgatione excipiens: Pepasmus, & quæ illum consequitur mali levatio, præclara purgandi occasio est, neque remittenda, nam sæpe in lubrico stat. Igitur quem votis & aptis Diætæ auxiliis ars pepasimum promoveat, oblatum usque tenebit, & collatis purgantium viribus naturæ se ad morbum expellendum sociam adjunget. Quanquam pepasmi desperatione non sunt semper deponenda Cathartica: sat est ut instantis fati purgatione submovendi veniam impetrari sibi Ars intelligat, dum humor pepasmo non domabilis, vel imminuta copia, vel proprio compresso æstu, vel febrili restincto ardore consederit, vel sponte in viam sedet à Natura communitam, & in quam ejus effluxum ars molliter inflectere possit sine ullo discrimine.

I-I I.

PURGATIO vacuatio est humoris qualitate noxii à Natura suscepta, Arte ad humoris excretionem naturam sollicitante adhibito Cathartico, in qua duo requiruntur, alterum ut sollicitatæ

Naturæ vires valeant, quibus præstito sibi auxilio frui possit, alterum Artis est, sollicitandâ Naturâ, summa provisio, ne vis ei inferatur utraque sic conspirante, quod in purgatione caput est, humorem se-
cerni & excerni certo ægrotantis solatio, hoc vna Natura perficit, dum cominûs cum humore congregitur, eumque sua in sede aggressâ, accinente Cathartico, sic illum versat, & suis agitat modis, ut tandem impertita crasi ad purgandum idonea, illum inde, ubi latet, dimoveat, secernat, dimotum secretumque partium robori exigendum dimittat. Ars Catharsim porrectura, ad omnia causarum momenta, ad omnes motus quos Natura vel morbus in ægro corpore vicissim ciere solent, aciem debet attendere, atque hinc sibi tempora dividere promovendæ purgationis; ac primo quidem illa cavet ne foris major ingruat infestiarum rerum incursus, ne sanguis nimius vel febrilis incendiû jam factus particeps, naturæ legitimam humoris excretionem molienti officiat etiam disiectam per aliarum partium secessus impuritatem, vel intra septa continet, vel alio avocatur, ne purgandum humorem adaugeat, & recoquendi necessitatem inferat: Demum verò eo semper attempta, ut quidquid intrò immittat, omnia semper naturæ tuta in purgatione præbeat, vel in ipso purgandi articulo, ægrotantis & medicamenti vires commensa Cathartica impendit, quorum vires Natura facili opera elicere, elicitis uti possit quam minimo insitæ purgantibus caliditatis & acrimoniæ sensu.

I V.

NATURA in homine sive animus est, sive vis quædam animo subdita, omnium quæ in nobis propter valetudinem geruntur author est & conscia: hæc sola Cathartici ut & reliquis medicamentis novit uti, sive Ars intus, sive foris subministraverit: Cathartica autem communium partium diversorio primum accepta, jam tum suæ salubritatis specimina ferunt, cum innoxie in illis partibus versantur; hinc autem dirigente Natura, ea loca subeunt, in quibus & calori & spiritibus commissa, naturæ tardius forte sese liberantis incitamenta sunt. Nonnulli imbiberunt Catharticorum vim & purgationis successum rerum convenientia, vel dissidio, vel quorundam corpusculorum concursu definire, sive Cathartica proliciendi ad se humoris virtute polleant, sive illum insito dissidio exterminent, nisi Natura Catharticorum vim impressam, & additos humori aculeos queat percipere; incassum ab Arte adhibendus est, vel valentissimorum Catharticorum usus.

V.

PURGATIONE quæ Epaphæresi suffulta sit, Ars eo se extollet, ut multa in morborum curatione perficiat, quæ Natura inchoata & imperfecta reliquit; sed nullam inde laudem Ars tulerit, nisi

ab ipsa cui succurrit, ejus adjuvanda modum teneat, & omnia in purgatione ad naturæ normam & morem exigit; Ars quondam mirata sponte & confertim emissum humorem, multos morbo liberavisse, ad vehementiora Cathartica se primum contulit, eventus bonitate magis quam causarum & effectuum explorata serie, postmodum diuturno Catharticorum usu, & periclitatione scientior, necnon seria naturæ suaptevi morbos curantis consideratione, quod se potissimum in purgando referret, tandem habuit. Multis Natura modis suevit morbos solvere, sed non omnibus æque tuto, perirrhaa, sudore, vomitu, nunquam morbi sic toti discedunt, quin relicta empireumatis portione aliqua denuo reviviscant, quibus Ars Naturam imperitè imitata assiduas febres, intermittentes, incipientes, internarum partium inflammationes, Diureticis, Diaphoreticis, Emeticis curaturam se recipit. Illi vel difficillime diuque ægrotant, vel merita nec morte pereunt; vnum alui profluvium omnium maxime criticum Natura esse voluit, in quo persolennes & constitutos ductus, nulla partium offensione, certâ proximæ integritatis spe, humor, morbi causa, rejicitur. Imitetur igitur Ars Naturam, quod ostendit sequatur, & ut purgationem instituat perfectæ Criseos æmulam, non tam remedia se reperisse gaudet, quam à Natura didicisse, quæ alvo soluta pari humoris expurgandi facilitate, & securitate latentes ubivis morborum causas valent prolucere Apud ingenuè & liberaliter medentes; extant innumera ejusmodi Cathartica, quæ virentis Telluris è sinu prodeunt, & Natura indice, Arte ministra in usum Medicum succedunt. Verum quidem illud est purgationem alteram esse Medicinæ manum, quæ nisi purgantibus convenienter instructa sit, nuda penè & inermis adversus morbos adhibeatur, Alterum multo verius, Artem unde plurimum profutura esset, inde plurimum esse nocituram, nisi vsurpandis Catharticis Naturam sibi ducem & magistram statuat, atque adeò in hoc toro purgationis negotio impetrandis, consulendisque ægrotantium rebus Naturæ vim esse maximam, & omnis in purgatione boni principem nihilo secius Arte sibi adjuncta.

Ergo in purgatione Natura Artis dux & magistra.

Domini Doctores disputaturi.

M. Franciscus Gœhel.
M. Antonius Varin.

M. Henricus Mahieu.
M. Claudius Guerin.

M. Claudius de Frader.
M. Ægidius le Bel, amici fratris
Regis, primarius Medicus.
M. Abrahamus Teuart.

M. Nicolaus Brunel de la Carliere. M. Paulus Mattot.

Proponebat Lutetiæ AMANDUS DOUTÉ, Parisinus,
Baccalaureus Medicus, A. R. S. H. 1688.